



**Sant Peters Gloub. : Das ist: Bekanntnuss Christenlichs
gloubens, die Sant Peter vor vnserem Herren Jesu Christo z?
Cesarea Philippi gethon: beschriben Matth. 16,**

<https://hdl.handle.net/1874/453125>

per

2

Sant Peters Glaub.

Das ist / Bekantnus Christens
lichs glaubens / die Sant Peter vor
vnserem Herren Jesu Christo / zu
Cesarea Philippi gethon: beschri-
ben Matth. 16. Geprediget durch
Johansen Wolffen / die-
nern der Kirchen
Zürich.

Jesus Christus Johan. 16.

Warlich warlich sag ich üch / was ic
vom vatter begären werdend
in minem namen / Das
wirt er üch geben.

Getruckt zu Zürich by Christoffel
Froschwer. Anno M. D. L X I.

General
Instructions

As the Commission of the Peace
has been appointed to enquire
into the state of the Poor
in the County of ...
it is desired that you should
be diligent in the discharge
of your duty in this behalf

That you should be careful
to enquire into the state
of the Poor in every
parish of the County
and to report the result
of your enquiries to the
Commissioners of the Peace

That you should be careful
to enquire into the state
of the Poor in every
parish of the County
and to report the result
of your enquiries to the
Commissioners of the Peace

2

Dem Erbarē wolgeleer-
ten Herren Samuel Pellican/
Zuchtmeister des Collegiums
zum Frowenmünster Zürich/ si-
nem fründlichen lieben
Schwager.

Wird vnd frid von Gott vnserem
Vatter / durch vnseren Herren Jesum
Christum/te. Als ich am 7. tag Höwmo-
nats harnach geschribne wort des heil-
ligen Matthei in offner predig erklart/
vnd du fründlicher lieber Schwager/ glich daruf
begärtest / ich die selbig min predig sampt der nächst-
folgenden/ so ich über die wort/ Du bist Petrus/ thüt
wurde/ in gschribt verfasste: ist nit minder/ ich in einer
anderen arbeit vnd vilen geschäftten dir zu willfaren
wenig wyl hatt: aber die lieb gedächtnuß dines Erē
batters / mines günstigen herren vnd preceptors sa-
gen in minem hertzen so tieff gewurzlet / minen gā-
gen dir soust gefasste gar guten willen souil zuschlūg/
daß ich dir diner so eerlichen vnd gottfälligen bitt / nit
konndt noch mocht absyn. Vñ wiewol gemeins erach-
tens/ vnuerzogne dienst/ zwysache dienst sind/ ouch ich/
wo mir das anderet geschäftte halb müglich gwāsent/
dir gern dise prediginē on verzug hette zūgestellt: bin ich
doch guter hoffnung / du werdest in bedunckung ge-
dachtet vrsachē/ vmb so vnlanges verzugs willen/ di-
sen dienst/ nit geringer/ dan so er dir des selbigen tags
verlangt/ achten. Vnd diewil ich viler vrsachen halb/
A ij

Die ander predig der hyt nit mag zum end bringen/hab
ich dir die/so zum end gebracht zu sende wollen/damit
das begären der anderen etwelicher gstate zugefallens
mit ernstlicher bitt / wellest mit mir als einem armen/
zaler gedult haben/ die schuld nehmalen halb nimmē/
vnd mir des übrigen teils / biß er ouch erarnet / gün-
stiglich borgen. Die ich dir der hyt zusehend / is/ souil
mir in gedächtnuß beliben / vnd vñ diner Jungeren
verzeichnen funden / gehoner predig ganz gemäß in
gschrifft verfasst / vnd darumb das es Christenlichs
gloubens / de Sant Peter nit allein zu Cesarea Phi-
lippi bekennet / sunder ouch zu Hierusalem vnd wo er
hin kommen / geprediget/ billich Sant Peters gloub
genennet vnd geachtet. Vnd damit gedächte predig/
deren du so trungenlich begärt / dir deker anmütiger
wäre/hab ich sy in solicher ordnung/ als mit vorgende
tittel/vorred vnd text/mit eigener hand geschriben / nit
allein dir selb/ wie du erstlich begärt zu einem gedenck
zeichen zwischend vns vestrwärer fründschafft zu
behalten: sonder ouch/wie ich dir harnach erloube/ an
deren Christen lüten mitzeteilen: güter hoffnung der
herr sin gnad zu güter frucht verlihe. Dich/din huffe
frouw min liebe bas/ ouch ünwer beider kind zu sampt
dem ganzen Collegio Gott dem allmechtigen Vate-
ter in sin gnädigen schirm vnd leitung seines heil-
gen geists/ durch sin eingebornen Sun vnseren herr
ren Jesum Christum wolbefälhende. Datum Sib-
rych 9. Augustis. Anno 1560.

D. allhyt williger Schwager
Johans Wolff.

Sant Peters Gloub. 3

Die wort des heiligen Euangelisten
Matthai / in denen Sant Peters
Gloubens Bekänntnuß beschriben/
die ich tüwer lieb mit der hilff Gots
tes Herren diser zyt wil erklären/
läsend wir im 16. Cap. im heiligen Euanges-
lio Matthai / vnd lutend also /

Als aber Jesus kommen in die
gegne 8 Statt Cesarea Philippi/
traget er sine Jünger vnnnd sprach:
Wär sagēd die lüt / das ich des men-
menschen Sun sye? Sv sprachend:
Etlich sagend / du syest Johānes der
töuffer: die anderē du syest Helias:
etlich du syest Hieremias / oder der
Propheten einer. Er sprach zū inē:
Wär sagend dan jr das ich sye? So
antwortet Simon Petrus vnnnd
sprach: Du bist Christus der Sun
des läbendigen Gortes.

Es wäre zwar vns armen mensche allen/
vorab by disen gfarlichen vnd aller wält vns
dergang tröuwenden zyten / als ein besons-
dere gnad von Gott zū begären / das wir
vns fōndtind vnd möchtind vor falscher leer
vñ aberglouben als dem bösesten gifft hüten:

Sant Peters

Damit wir nit vff vnserer selbs ald anderer
yteler dingen trost / von Gottes gnad vnd
Bystand abgewisen / vnserer eeren / heils vnd
wolstands Beroubt wurdind. Darzü diene
vnd hulffe aber nit baß / Dann das die luter
rein warheit götlichen worts mit ernst ge-
pflantz / grundlich erlernet / trüwlich ge-
schirmt vnd erhalten wurde / als die wider
alle falschen leeren die Best artzney ist. Das
rumb vnser Herr Jesus Christus / sine lieben
junger / nit allein vor dem surteig der Pharis-
seeren / das ist / vor falscher leer warnet / sond
ouch durch alle vile vñ mänige sinethalb ge-
faster vñ domalen schwäbender irrthumen /
in erkantnuß des rechten grunds götlicher
warheit ynfürt: dergstalt / dz er erslich fragt:
was siner person vnd wäsens halb / der welt /
sag sye / Demnach ouch an sy begärt / was sin
thalb jr meinung sye / im fry heiter heruß ze
sagen. Da nun Sant Peter / als der ein beson-
deren yfer in der liebe des Herren / zu allen
zyten erzeigt / was sin gloub sye / vor de Her-
ren bekennet vñ bezüget: Das namlich / vnser
Herr Jesus der waar Messias / oder Chris-
tus: das ist / vō Gott verordneter vñ gesand-
ter heiland / der Sun des läbendigen Gottes
sye. Welches vns / als ein rechte grundliche
Bekantnuß des waren / rächt alten / vnge-
zwysleten / Chruste. lichen gloubens / deren
wir vns wider allen falsch vnd aberglouben
zegeben

Zegebruchē habind/ fürgestellt/ vñ von Sant
Mattheo der gſtalt beſchreibē/ dz wir erſtlich/
an welchem ort / demnach vß was vrsachen:
leſſlich/ in was form diſe Sant Peters glou
bens Bekannnuß geſtellt/ lychtlich mögend/
mit Gottes hilff/ erlernen.

Vñ wiewol das aller handlung anſehens Wo Sant
Peter ſin
glouben
bekenne.
gnüg gibt/ das die perſonen/ ſo gedachte ſach
gegen anderē gefürt: als vnſer Herr Jeſus/
gegen jm ſine jünger/ vñnd vnder den ſelben
Sant Peter/ eigentlich vnd ordenlich benam
set: ſetzt doch der heilig Euangelist ouch den
namen deß ort/ da das alles beſchāhen. Vñ
ſpricht/ das Jeſus in die gegne der Statt Marc. 8.
Caſarea Philippi kominen / welchs Sant
Marx mit dem erklārt/ daß er ſagt: in die
ſtācken/ vñ daby meldet/ das es vff dem wāg
beſchāhen: frylich wie Sant Lucas anzeigt/ Luc. 9.
als Jeſus allein/ vnd ſonſt nieman dann ſine
jünger by jm gewāſen. Da dann warlich zū
gedāncken / das die heiligen Euangelisten
all dz/ das ort/ da diß geſchāhē/ nit allein die
warheit der gſtalt ergangner ſachē zū erſchei
nen/ ſonder ouch vns etwas höherer vnd di
ſem handel woldienender geheimnuſſen zū
erinnern/ ſo flyßlich vnd ernſtlich meldend.
Dann wie in allen verſchrybungen beſonde
rer handlungen / als hüradts abredungen/
kōuffen/ verträgen: od gemeiner landſachē/
als pündtnuſſen/ ergangner vitelē/ oder an

Sant Peters

derer handlungen / zü meererem schin ouch
grund vnnnd ansähen des so gehandelt / ein
gruß ort des Datums gesetzt wirdt: also
ouch das ort da Sant Peter sin glouben be-
kēnt / zü warem vrfund geschehner sach / mit
namen vßgetruckt vnd gesetzt ist. Das aber
er vnd ander sölichs mit so flyßlichem melden
der vmbstenden vßrichtend / sol vns wie ges-
sagt / grösserer sachen erinnern. Dann der
Stetten / so disen name gehebt / zwo gewäsen.
Eine in Palestina gelägen / vornaher Turris
Stratonis genannt / durch schwäre krieg in
abgang kommen / hernach aber vom groß-
sen Herode / mit vnsaglichem koston vnd zä-
hen jar wärenden buw widerum ernüwert /
dem Keyser Augusto zugefallen Cesarea ge-
nennt worden. Die ander aber in Phoenicia /
vnden am berg Libano / zwüschend beider
wasseren Jor vnd Dan / glych an dem end da
gedachte wasser züsamen fließend / vnd beide
ein fluß Jordan genennt werdend / gelägen:
vor zytē Paneas / hernach von König Philip-
po gemelts Herodis sun / erwytert vnnnd ges-
ziert / Keyser Tiberio zü eeren / ouch Cesarea /
vnd die nüt von der elteren zü vnderschei-
den / Cesarea Philippi / letslich vom König
Agrippa de Keyser Neroni zü lieb Neronia
genennt worden. Da wir by dises ortes nam-
men vnd glückfal / zü Christenlichs gloubens
bekanntnuß vnd übung anlaasses gnüg has-
send.

bend. Dann was bedütend vns dise frömbde
 vnd Heidnische namen in Jüdischen landen?
 Die habend doch der Hebreeren Stett dise
 Griechische vnd Latinische namen / als Ses-
 baste/ Tiberias/ Cesarea / Julias / Veronia/
 vnd andere empfangen? Frylich ist zügeden-
 ken/ daß die Juden / so sonst gar strenge vnd
 hefftige schirmer ires altē hartkömens allezyt
 gewäsen/ wo sich die löuff nit geänderet/ sö-
 lchs nit gestattet hettind. Es warē aber/ lut
 Biblischer vñ Heidnischer historien zügnuß/
 andere Herren im land denen sy vermessen
 vnderworffen / daß sy wid das vñ anders nit
 syn mochtend. Vnd das was äben das recht
 warzeichen / by dem man wol mocht die zyt
 der geburt Messia/ so beider des heiligen pro-
 pheten Jacobs / vnd deß heiligen pro-
 pheten Daniels wyssagungen sich gar wol
 verglichet/ erkennen. Dann das vmb die zyt Gene. 49.
 Messia die Juden irer fryheiten beroubet/ Dan. 9.
 wie der heilig Jacob anzeigt: vñ die Römer
 iren vnd aller wält herren syn wurdend / wie
 Daniel eroffnet/ habend wir by diser Cesarea
 vnd anderer Jüdischen Stetten vnd landen
 frömbden herren vnd namen vngzewyfelt zü
 erleernē: Das der groß Herodes vngfarlich
 by nün jaren vor Christi geburt sin Cesarea
 ernüweret/ vñ Philippus sin sun/ dise by den
 anfängen der predig vnd deß touffs Sank-
 Johansen deß Touffers erbesseret. Wie nun

Sant Peters

Sant Peter by disen gmercken den Herren
Christum erkennt/vñ dahar anlaß nimpt/nit
allein sin hoffnung vñnd trost vff in als den
waarē Messiam zesezē/ sond disen sin glous
ben offentlich zū bekennen: also gebürt ouch
vns/ diewyl wir deß vngewyßere gute
gründ habend/ daß vnser Herr Jesus Chris
tus d' waar Messias ist/ was zū vnser erlös
sung notwendig alles vßgericht/vñnd allein
das er mit waarem glauben angenommen
werde/sorderet: wir in nit allein also annem
mind/ sonder ouch offentlich bekennind/vnd
zū der selbigen bekannnuß/wie Sant Peter
vnd ander Apostel vnser eer/ lyb/güt vñ blüt
setzind. Wen aber etlich/so den Herren sunst
wol erkennend/ouch anzenemen nit vnwillig
wärint/ wo sy nit besorgind jr eer/ güt ald
läben daby zū verlieren/vnd deßhalb lassend
inen die bekannnuß der warheit abtröwen:
als dan sol vns das vnstät wäsen vñ die täg
lich verenderung aller irrdischen dingen/ im
Byspil so vilfaltiger änderungen diser Statt
dahin bewegen/ das wir vmb deß zytlichen
willen das ewig nit übergebind. Dann was
ist hie vff erden/ das wir gedencken mögind
ewigklich zū behaltē? Wer ist das kostlich est/
wohar langet aber die an mensche: von men
schen/die einem deren gonnend/die sind aber
vnstättes sinnes/ vnd was sy einem hütt gons
mend/ das zühend sy im morgens widerumb
ab.

ab. Güt achtend wir für dz Best: wie hat aber
 dise wält so vil wäg güt zü verlierē? Es mag
 verbrüñen/mit krieg/roub/vngewitter/dieb
 sal/Betrug entzogen/oder sunst an lüten ver
 loren werde. Der lyb/so hüt gsund/schön vñ
 stark ist / mag morgens durch franckheit/
 giffi/fal/vñ ander wäg geschwecht/oder gar
 dahin gericht werden. Dis yrdisch läben thüt
 anders nit dann all stund dem tod entgegen
 gon. Summa/es enderet sich vff erden alles
 wie das wätter/die änderung aber/oder das
 wätter für Gott der Vatter vñ sers Herren
 Jesu Christi. Wenn nun du dich sines Suns
 verlougnest / die erkannt warheit verbirgst/
 dem rächten nit zü sinem gebürlichen gang
 hilffest/die wifrow/das weißly/dē armē/dē
 wyßlosen/nit wie du wol möchtist/schirmpst:
 allein damit du nieman erzürnē/in kein gfar
 diner eeren/gunsts vnd güts kōmen müssest:
 so verbirgst vñnd übergibst das ewig vñnd
 gwässer/vñ deß zytlichen vñ vngewüsseren
 willen: vñ bestatst ein glyche torheit wie der
 hund im wasser/so dem schattē nachschnapt/
 vñd hiemit das stuck fleisch vß sinem schlund
 ließ fallē. Judas übergab/ja verriedt dē Her
 ren vñ dzyffig silberling/wie lang aber/oder
 wie grosse frōud hat er daby haben mögen?
 Pilatus verurteilt ouch den Herren Christū/
 damit er die Juden nit erzürnte/vñ dadurch
 deß Keyfers huld nit verschutte: wie lang

Sant Peters

wäret aber der gunst jr aller? Die Juden verhoffend ouch mit dem abthün vnfers Herren Christi/ jr sach gegen Römeren güet zema-chen/ den tempel vnd die Statt dester länger zü behalten: wie lang wäret aber jr sig vnnnd hochfart? Summa/ wenn wir das ewig übergäbend vñ des zytlichen willen/ das nit dan ein blosser schatt ist / werdend wir beider besroubet. Darum wie Sant Peter angefaßen/ daß Cesarea Philippi / hüt den/ morgens ein anderen herren vnd namen empfangen/ vnd daby verstanden/ das alle irrdische ding zergänglich: deßhalb hindan gesetzt dz zytlich/ vff das ewig gefaßen/ ouch im den Herren/ als den wägfürer zü ewigen güteren lieber dan die wält/ als ein wägfürer zum zytlichen vñ zergenglichen/ syn lassen. Ob aber glych die ort / an denen wir vnfers gloubens halb an zogen/ eines Keyfers / oder Königs/ oder wie dise Statt Cesarea/ beider Keyser vñ Königs namen hettend: das ist/ gar herrlich vnd vor der wält nit allein ansichtig sond ouch erschrockenlich werind: söllēd wir vns deñoch vnfers Herren Christi/ den zü bekennen / nit beschämen/ sonder vil mer dabeim/ auß/ vñ wohin wir imer komend / vns deß der vns vom zytlichen zü dem ewigē hilfft/ allermeist beladen. Dan warumb woltend wir das nit thün? Es thüt doch sölichen dienst ein yeder knächt sinem herren/ ein yeder sun sinem vater

ter: ein yeder vnderthon siner Oberkeit: ein yeder friegsman sinem völdherren: ein yeder schüler sinem schülmeister. Es beschämt sich auch keiner sinen güten gsellen: vnd wir wilstend vns deß/ d sich vnser in so grossem wüst der sünden/ so fründtlich angenommen/ beschämen: Suma es galt Sant Peter glych/ das land in dem er sinen gloubens halb anzogen/ wäre deß Keyseris/ König Philippi/ od eines anderē: er wußt das er kein belybens da hatt/ vnd im nieman bessers dann Christus geben mocht: darumb er daselbst nit minder dann dabei sin glouben zü bekennen bereit was. Weliche nū Sant Peters byspil / wie billich/ ansehen wellend/ die werdend/ wo es Gottes er vn gemeiner nutz erfordert / dē glouben in Christum zü bekennen wie Sant Peter/ vnbeschwärt syn.

Die vrsach aber/ vß welicher dise bekant-
 muß geflossen/ bedarff noch mer erwägens/
 deßhalb auch d heilig Euangelist sy mit mer
 worten beschriben/ vnd namlich anzeigt: das
 der Herr die jünger gefraget/ wär die lüt sa-
 gind/ das er d Sun des menschē sye: die jün-
 ger im geantworret / etliche sagind er sye Jos-
 hannes der töuffer/ etliche er sye Helias/ an-
 dere er sye Hieremias / oder sunst einer vß d
 sal d prophetē: daruff er wüssen wellen/ was
 ir gloub od meinūg sinthalb sye: Darby wir
 schynbarlich sähed / das Sant Peter dise bes-

Vrsach der
 halb Sant
 Peter sin
 glouben
 bekent.

Sant Peters

Kanntnuß seines gloubens nit eigens gefalts
lens/oder einichs argen vorhabens / sich selb
zü rümen ald vor der wält zeklügē/ oder dem
Herrn zü flatieren vnd lieblosen/oder sunst
vnedachter vñ sich selbs fürschießend wyß/
sonder durch eehafft wichtig vrsachen darzü
veranlasset oder ouch vß hoch erforderender
nodturfft gethon hat. Da wir ouch leernē sol-
lend vns glycher wyßheit vnd redligkeit in
gloubens sache zeflyssen. Dañ wie es vngöte-
lich vnd böß ist/ dem Herren/so es die not-
turfft erhöuscht/ sin eer vñ lob versagen/also
ist es ouch schädlich vñ vnrächt/in gloubens
sachen der personen/ zyten/ orten vñ anlassen
nit gewaren/ vnd etwan / das der Herr vers-
bütt/ die Bärkin den stüwen / vñnd das heiligē
thumb den hunden fürwerffen. Vil minder
gebürt sich den heiligen Christenlichen glou-
ben zü fürderung siner selbs eeren vñnd nutz-
zes mißbruchen. Dann der das thüt / dicke
wyl er nit Gott sonder im selbs dienet / sol
er auch nit von Gott sonder von jm selbs
lon hoffen. Der sich mit dem glouben by der
wält inkouffen wellen / die wil er der wält/
nit Gottes gunst gesücht / lasse er im die wält
lonen / Gott wirt jm nit schuldig syn. Der
lichtferiger yteler wyß/vñ on grund der war-
heit vil vom glouben klappert/diewyl er der
sach kein grund hatt / kan er sich deß waaren
gloubens

Math. 7.

gloubens nit mer rümen vñ trösten/ dan die
 küfel / so ouch den Herren ein Sun Dauids
 bekannend/ aber vff in nüt satzend. Darum
 wie Sant Peter/ der sunst gar yferig vñ vest
 im glouben vñ liebe gegē Herren gewäsen/
 nit on vsach/ sonder stattlich darzü veranlas-
 set/ den Glouben bekant / also auch wir/ an
 denen oren vnd enden/ da es die eer Gottes
 vñ der heiligen kirchen / ouch vnser selbs heil
 erforderet/ Komlicher/trüwer / nit vnbedach-
 ter oder angefochtner wyß vnseren glouben
 söllend bekennen. Nun hat Sant Peter zu dis
 ser siner bekantnuß zwo traffenlich vsachenz
 eine/ das der Herr in vnd ander jünger fras
 get/ was die lüt vō im sagind : die ander/ das
 der Herr was sy die jünger sinthalb glous
 lichs/ insonders von jnen hören wellen. Wes
 sprichst aber: Was hat doch dē Herren an-
 gefochten / das er von sinem selbs lümbden
 so gern hette gehört sagen: ist er so ergytig
 gewäsen/ daß er sich selb gern ghört rümen?
 meiner frylich / er hat doch vil siner herrlichen
 wunderwercken sinen jüngerem zesagen ver-
 botten/ vñ die in zum König machen wellen/ Matth. 9.
Joan. 6.
 geflohen. So hat er glych hie an dem ort/ von
 im selbs nit nach sinen eeren / sonder aller
 schlächtester wyß geredt / vnnd sich nit wie er
 wol mögen / Gottes himmelischen Vatters/
 sonder des menschen Sun genennt: da aber

Sant Peters

- wir menschen so hochfertig / Das wir vil mer
der richeren vnd gwaltigeren dan der arme
vnd kleinfügen fründen / wenn vns die selbige
gen glych näher verwandt sind / rühend. Vn
ser aber / wie arm vnd ellend wir imer sind /
hatt sich der Herr nie beschämmen wellen.
Was hat er dann dem nach gefragt was die
welt von im saget? hatt er dann sonst vff die
wält gesehen / vnd sich was ires gefallens /
flyssen wellen? Gar nit frommer gläubiger /
Dann er vff den willen seines Vatters so gar
gesehen / vnd vff den selben alle sine wort vnd
werck dergestalt gerichtet / Daßer nit allein der
wält / sonder ouch seiner heiligen müter / seiner
gefründten / ja seiner selbs geschäften vnd ges
fallens / im handel Gottes nit geachtet. Als do
er im tempel funden / sagte / was ist / das jr
mich süchtend / wußtend jr nit das ich syn
müßt in geschäfte mines Vatters: item / wyb
was hab ich mit dir zethün? min stund ist
noch nit komen: item erforderet zu seinen Brüd
deren hinuß zekommen / sprach / wär ist min
müter: vnd wär sind mine Brüder: stracke hie
mit sin hand vff über sine jünger vnd sprach:
Johan. 5. Sich da min müter vnd mine Brüder. Dann
welicher thüt den willen mines vatters der
da ist in himmlen / der ist min Brüder / schwe
ster vnd müter: item ich bin nit kommen was
min / sonder mines vatters will ist / zethün.
Aber was saged wir daruor: es ligt doch am
tag

Gloub.

9

tag woruff d' Herr gesehen. Oder ist's nit bil-
lich / ja notwendig / das ein so herrlicher an-
sichtiger mann / so ein gemeine person ist / vnd
gegen aller wält zehandlen Befelch hatt / vff
der wält wyß vnd meinung vffsähen habe /
vnd wüsse wie sy gegen jm gesinnet / wie er
by jr geachtet / wie sine wort / werck / wyß vnd
gebärden von jro vfgnommen werdind?
Welcher kan ouch fruchtbarlich gegen denē
die er nit kennt / handlen? Warlich Origenes
hat allen Regenten vnd Oberen / insonders
aber den Bischoffen vñ dieneren der kirchen
wol gerhaten / sy söllind by disem byspil deß
Herren / wie jr regiment / leer vnd läben by
der wält geachtet / lernen erfahren vnd bedens-
ken / als ouch etwan Fürsten vnd herren sich
verfleidet zü den jren ald anderen gethon /
was man von jm sage zü erfahren. Welichs
zwar mer ein wyßheit vnd demüt / dann ein
hochfart zeachten: Die wyl der mensch hiemit
begärt woran er recht oder vnrecht thüye zü
erkennen / ouch sich dem vrtail des gemeinen
manß demütiger wyß vnderwirfft / sich dar-
nach wüssen zebesseren. Als wenn man güts
sagt / vñ das waar ist / er Gott von dē er dise
gnad empfangen / ouch güts lob verlihe / vnd
sin lob behalte: ist es dan nit waar / daß er es
mit Gottes hilff waar mache. Wenn aber ein
böß geschrey von jm vnder die wält vßgofs-
sen / vñ waar ist / er abstande vnd sich bessere:

B

Sant Peters

wäre es aber nit waar / Das er sich siner vns
schuld fröuwe vnd tröste / Gott hätte in vor
sölichem zübehüten / sich flysse der wält söliche
luginē mit schinbarer tugend im hals zü ero
stecken. Das ist aber ein hochfart / daß vil lüt
ten aller wält reden trutzlich vßschlahend /
vnd so yeman sagt / Das oder Das redt man
von dir / Du soltest das nit thun: sy darwider
sprächend / was sy der wält nachfragind / sy
sähind nieman an / sy gind für sich selb: achtē
ouch sich selb gar hoch / vñ sind deß vernügt /
Das sy jnen selbs wol gfallend. Wäre es aber
nit weger / du achtest dich selbs minder / vñ
hieltest dich dermassen / Das dich ander lüt
kündtind vñnd müstind hoch achten? oder
was nützt es / daß du dich selbs hoch achtest /
vñnd ander lüt dir nit daruß gon lassend?
Darumb vfferer burgerlicher wyß dise frag
deß Herren zü bedencken / lernend wir für
nemlich vff Gott sähen / vnd vns dem gefels
lig zustellen / besten flyß anwendē / hienābend
der wält sag dermassen gewaren / damit wir
dadurch nit allein vom gūten nit abwendig /
sonder im selbigen vil mer ynbrünstiger vnd
besser werdind. Der Herr aber / so ondas
wol wußt beider / deß gmeinen volcks vñnd
siner jüngerer meinung / vñnd deßhalb im
das von jnen zü vernemen / nit von nöten:
hat mit diser frag vil vff ein größers vnd zü
diser sach dienstlichers gesähen. Die gschrifft
geleerten

geleerten der Juden warend dem Herren
 gar abhold / redtend im heimlich vñ offentlich
 übel. Der gemein mann was vnglych gsin-
 netlich meintend er wäre Johannes der
 töuffer / etlich er were Helias / der merer teil
 gloubt er wäre Hieremias / ald sonst einer
 der propheten. Das also der gemein mann
 dem Herren Jesu vil eeren zü gab. Dann
 der heilig Johannes der töuffer / von müter Joan. 3.
 lyb an geheiliget / siner leer vñnd läbens halb
 so ansichtig / das in die geleerten gern für
 den Messiam angenommen / vñnd sonst meng
 lich sines radts gepflägen / ouch Herodes Luc. 8.
 selbs in so hochgeachtet / das er in schwärlich Matth. 14.
 getödt / vñnd darnach / als er die thaten Christi
 vernommen / vermeint / Johannes wäre wi-
 derum läbendig worden. So was Helias ein 4. Reg. 2.
 sonders herrlicher vñ gwaltiger diener Gots
 tes gewäsen / den Gott nit wie andere mens-
 chen absterben lassen / sonder in einem fhüri-
 chen wagen zü himmel gefürt / vñnd im herr-
 lichen lob in nürwem vñnd altem Testament
 verlihen. Hieremias aber hat lange zyt / vñnd
 darnach vö iugend vff / wider grossen gwalt /
 in mittē grosses vffsatzes / dermassen geleert /
 das er deß vnder Juden vñnd Heiden wyt-
 berümpft worden. Zü dem sind die heiligen
 propheten all / darumb das Gott durch sy
 geredt vñnd wunder gewürckt / hochachtbar
 gewäsen. Darumb die den Herren für yetz er

Sant Peters

zelter herrlicher Gottsdienere einen gehalten/ um nit wenig eeren vnd lobes verlyhen.
Es was aber alles nit grüßsam/ vnd gehort noch vil mer darzü. Darumb ob glych der Herr das alles vil baß wußt / dan es im die jünger kontend sagen / wil er doch sy diser meinungen aller erinieren: eins teils/ daß sy die warheit vnd irrthumb gegen anderen sehünd / sich vor dem falsch dester baß zehüten/ vnd der warheit dester styffer zehalten wußt: anders teils/ daß sy by deren / die dem Herren nit all sin gebarende eer zügabend/ byspil sähind / was sy von im halten söllind. Diewyl nun der Herr sine jünger nit allein der warheit/sonder ouch der irrthumen vnd vnwarheit erinneret / vnd inen hiemit / wie vor geredt/gar wol thüt: söllend ouch wir die vile vnd menge yetzschwäbender irrthumen vns keins wägs lassen von der warheit abschrecken/sonder die gründ aller irrender leeren / sy syend Juden / Heiden / Türgken/ oder ander/ erkennen / vnd vns mit gründen Göttlicher warheit darwider gefaßt machen. Dann was ist das gemacht/ das vil lütē vermeinend: diewyl die leeren ein anderen vnglych vnd widerwertig / vnd sy nit wußt sind welcher teil rächt oder lätz habe: wellind sy sich irer alten wyß halten / keins teils beladen/vnd die sach anstellen/Biß man baß eins werde. Wie lang wilt oder kanst du aber die sach

Die vile
vnd menge
der leeren
sol vns nit
ergeren od
hinderen.

sach anstellen? oder was irrt dich der leereren
 zweytracht. Es ist doch nüt nüt / weñ glich
 vilerley meinungen vom wolsta d der mens-
 schen vff der pan sind. Die Egyptier habend
 nit allein das gestirn / sond ouch vnuernünff
 tige thier angebätet. Die Assyrier / Babylo-
 nier / Griechen / Römer vnd andere vöcker /
 habend etlichen herrlichen vnd ansichtigen
 menschen / so sy für Göt vfgeworffen / als
 Belo / Joui / Apollini / Herculi / Romulo vnd
 anderen geopfferet / vnd göttlicher hilff ver-
 truwet. Im Rünigrych Israel gab es ouch
 ein zweytracht / da Hieroboam / nebendt dem
 tempel Gottes bilder in Dan vnd Betel vff-
 richt. Zu zytē Christi warend Phariseer / Sa-
 duceer / Essener / Herodianer vñ ander sectē /
 nit allein dem Herren vñ Mosy / sonder ouch
 jnen selbs vnglich vñ widerwertig. Soltend
 darüm die heiligen Apostel sich jrer alten vñ
 im Judenthum erlernete wyß / hartneckiger
 wyß gehalten / oder deß gloubens gar nüt
 beladen habē / wo oder wie wärind sy Christē
 vnd sällig worden? Allernächst vff die zytē
 Christi sind ouch vnder den Christen selbs irr-
 thümē ingerissen / vnd falsche Apostel fürge-
 brochen / deren sich Sant Peter / Sant Paul / 2. Pet. 2.
 Sant Johans vnd ander übel erklagend / vñ 2. Tim. 3.
 vor jnen sich zehüten / die jren in trüwen war-
 nend. Wil yetz nit sagen von Cerintho / Mas-
 niches / Martione / Eutyche / Arrio vnd an-

Sant Peters

deren falschen leereren: vil minder von denen
träffenlichen spänen/so vor zyte vndern Chris-
stem gwalt vnnnd ansähen desß Papstums
vom obersten Bischoff/ von Bilderen/ von
der priester Le/ von der lyblichen gegenwir-
tigkeit desß lybs vñ Blüts Christi/ in desß Her-
ren nachtmal/ vñ der übergaab Constantini/
vnnnd anderen vil sachen. Was möchte man
aber sagen von vile vnd vngelyche der Orden
vnd Münchs reglen/ ouch der ceremonien/
deren eine nach der anderen vffkömen? Dan
was ist mir daran gelägen? Sölte ich daruñ
das die der sache nit eins sind/ hiez wüschend
den handel mines heils anstellen/ vnd nit sä-
hen/wie vnd wo hin ich min arme seel satze?
träffe es güt an/ ich thäts nit:träffe es lybs
gsundheit an/ ich thäts nit: träffe es eer an/
ich thäts nit: warumb thät ich es dann so es
die seel antrifft? Warum wölte ich vmb desse
willen min liebe seel versumen? was ligt an
jrem gfätz vnd ghäder? Weger istis ich süche
die warheit/ vnd wie die vralten Christen in
Jüdischen vñ Heidnischen bücherē/ ouch die
heiligē Apostel/ vñ anstifften desß Herren in
desß gemeinen volcks reden/ sich ersähen/ vnd
darwider mit gründen der warheit zefächten
geübt: also ouch wir Christen die spännigē ar-
tikel erwägind/ vñ dz wort Gottes darüber
richter sin lassind. Wie dann Sant Paul ges-
raaden/

raadten / man solle alles bewahren / vnnnd das ^{1. Tim. 5.} grächt vñ gut erfunden / behalten. Vber das
 alles ist zügedencken / das Gott der Herr /
 dem diese irthumen alle zü erweeren nit vn-
 möglich / wo er nit gewüßt / wie vil schyns
 der warheit vom gegensatz der vnwarheit
 käme / sölichs nie gestattet / ja die vnwarheit
 gar nit vffkömē lassen. Darum wie die vile
 Jüdischer meinungen die heiligen Apostel
 vom Herrē nit abgschreckt / sondern de Her-
 ren erst recht zelieben vnd bekennen verursa-
 chet: also auch wir die vile yetzschwäbender
 leeren vns nit lassind vom heiligē Euangelio
 abschüch machen / sonder zü flyssigerem erdu-
 ren vnd retten der warheit bewegen. Das ^{Christo gee}
 aber der Herr der meinungen / so der gemein ^{bürt alle}
 man sinthalb gefasset / ob sy glych vil besser ^{er sältigma}
 dan der Pharisern warend / nit vernügt / vñ ^{ches allein.}
 von denen die sine jünger sin soltend ein voll-
 komnere / vñ namlich das forderet / daß sy in
 allenglich für den Messiam erkantind vnnnd
 annāmind / ist ein gwüsse vnd vnfälbare an-
 zeigung / das noch hüttigs tags / er Christus
 vnser Herr / deß nit zü friden syn könne / daß
 die Juden erkennend er sye ein heiliger man
 gewāsen vnnnd von jren vorderen vnbillicher
 wyß gecrütziget / wellend aber in nit für jren
 Messiam erkennē vñ annehmen: daß demnach
 die Türgken in ein propheten / aber nit den
 allgemeinen heiland vnnnd Sun Gottes sin

Sant Peters

lassend / sonder alle eer des heils dem Mas
chomet zugehend : vil weniger lasse er im ges
fallen / das ein grosse vile lüten / sich Christens
lichs Gloubens vnd namens rühend / hies
nähend aber andere als nothelffer vnnnd mit
ler ouch anruffend. Dann diewyl dise dem
Herren nit daß truwend / dann das sy nã
hend im andere fürmünder vnnnd gehilffen
inen selbs vswerffend / über das sy von Mos
se / von Propheten / von Apostlen / von Gott
dem himmelischen vatter selbs / allein Christo
züselouffen / gewissen / ouch vom Herrē selbs
zü im zekommen / so fründtlich geladen rüh
mend sy sich Christi wie hoch sy wellind / wer
dend sy dennoch denen die dem Herren sin
eer nit ganz gabend glycher syn / dann den
jüngerem des Herren / die im alle eer des
heils zugehend. Darumb erkennend vnd bes
kennend wir / das Christus vnser fürmünder
sye / so sollend wir allein im zü louffen : erkenn
end vnnnd bekennend wir / daß sin lyden nit
ein halbes oder mangelbars / sonder gantz
vnd vollkommens opffer für vnser sünd sye /
werdend wir keines anderen opffers Beddifs
fen oder begären / sonder des vernügt syn
erkennend vnd bekennend wir / das der waer
vff in gesetzt Gloub vns vor Gott gerecht
vnnnd zü güten wercken gschickt mache / wer
dend wir vns siner einigen / vnnnd nit vnser
verdiensts trösten / ouch mer der wercken /
die

Die vns diser Glaub vß Gottes wort für-
 schrybt / dann deren die vns glychßnery an-
 gibr/slyssen. Summa der glaub teilt sich nit/
 sonder sol vnd wil vff Gott durch Christum
 gantzlich gericht syn. Deshalb der Herr vor-
 erzelte Judischen volcks meinungen / wie-
 wol sy gegen Phariseischen vnd anderen zes-
 rechnen/nit böß warend / als vnuollkommen
 vnd zum heil nit gnügsam vßschlecht / vnnnd
 von sinen jüngerem ein ganze / vollkömne
 vnnnd zum heil gnügsame bekantnuß des
 Glaubens forderet. By welchem wir sähen
 sollend / das allen denen die waare Christen
 syn wellend züstadt/das sy sich aller yrrthum
 men offentlich verzyhind / wider allen falsch
 bewarind / damit dem Herren sin gebürens-
 de eer/vnd jnen jr gesücht heil geuolge. Dan
 wie in einer vfrür / ein frommer wyser man
 dem teil züfalt/ des sach er weist grächt vnd
 gürt syn/ also ouch ein warer Christ dem rech-
 ten huffen Christi züfalt. Dann da giltz nit
 luggē. Der Herr wil wüssen/weß er sich solz
 le zü vns versähen. Wenn es aber die gestalt
 hette / wie vil lüt diser zyt sich mit Nahaman
 des Syrrers/vnd Josephen von Arimathea/
 ouch Nicodemi vnd anderer bisplen/wern sy
 sich Christi beschämend vnnnd verlougnend/
 schönen wellen: wärind die heiligen Apo-
 stel vnnnd martyrer / so gar grosse not vmb
 des Herren willē erlittē/torecht lüt gewäsen/

Sant Peters

Daß sy nit vil mer jren glauben vor der wält
verborzen / dan sich so grusamgklich pynigen
lassen. Sy habend aber den Herren erkennt/
vnd mit warem glauben angenommen: vnd
diewyl er sich jren wed' hie in zyt beschämt/
noch dort beschämen wil / habend sy sich sinen
billich ouch nit beschämen wöllen. Dan das
ein heiter vnd gewiß wort ist das der Herr
sagt: Welcher sich minen vnd miner worten
beschämt / deß wirt sich ouch deß menschen
sun beschämen wenn er kommen wirt in der
herrligkeit seines vatters mit den heiligen En-
glen. Darumb alle fromen Christen jnen das
wol ynbilden söllend / daß der Herr wil daß
wir nit allein die irthumen wüßind vnd abo-
wendind / sonder ouch vns vnseres glaubens/
den wir selbs habed / vor der wält erkläring/
den fry bekennind / damit mengklich sähe wel-
ches Herren diener wir sygind. Vnd das ist
die fürnemst vrsach / derēhalb nit allein Sant
Peter seines glaubens bekantnuß gethon/
sonder ouch wir die selb noch hüttigs tags
thun söllend.

Form der
bekantnuß.

Damit aber nit allein vnser Herr Chris-
tus / by welchem / Sant Petern als einem
jünger nit geburte vil wort zetryben / seines
glaubens ein kurtzen grund hette: sonder
ouch alle Christen / vnd insonders die gägen-
wirtiger gfaaren vnd bschwärden die gägen-
wort zebuchen nit wil habend / ouch ein form
Christens

Christenlichs glaubens bekantnuß hettind:
 setzt Sant Peter dise sin bekantnuß in gar
 wenig / vñ doch allen handel vnser heils be-
 griffende wort / vnd spricht also: Du bist Chri-
 stus der Sun deß läbendigen Gottes. Das
 ist / Dich dich / O Herr Jesu / der vom heiligs-
 gen geist empfangen / vund von der heiligen
 jungfrowen Maria geboren bist / Bekenn ich
 den waren Messiam / oder heiland der wält
 syn: der vns werdest vß aller Knächtschafft
 erlösen / mit dinem wort regieren vund wei-
 den / mit dinem lyden der sündē ledig / grächt /
 vund Gott gefellig machen / mit diner fürbitt
 alle vnser nott Gott dem Vatter fürtragen /
 mit diner Göttlichen gnad / wyßheit vund
 allmächtigkeitt vns hie in zyt so oft es die not
 erhöuscht rhaaten vnd helffen / vnd leistlich in
 ewige rüw vnd fröud setzen. Da dann die
 person deß heilands vns heiter verzeiget /
 das mittel durch welichs wir erlöst vund
 erhalten werdend / mit heiteren worten vß-
 truckt / der grund vnser hoffnung ouch be-
 namset. Die person des heilands verzeiget Person deß
heilands.
 er mit dem wort / du / als mit dem er sin red
 endlich vnd eigentlich vff den wendt / der in
 deß glaubens halb anzogen / dem er ouch dis-
 se bekantnuß antworts wyße gethon hat.
 Welicher aber der sye / habend wir züvor vß
 Sant Matthens worten erlernet / namlich
 der Jesus den die heilig jungfrow Maria

Sant Peters.

vom heiligen geist empfangen/ zü Betlehem
Juda geboren: den die heiligen Apostel er-
kennt vnnd mit waarem glauben angenom-
men / den die Juden gecrüziget/vnnd Gott
der himmelisch vatter von todten erweckt/ zü
siner gerächten gesetzt / vnd zum heiland der
wält gemacht hat: vnd noch grundlicher vnd
schinbarer vom handel zereden / den Jesum
der mit sinen jüngerē in die gāgne der Statt
Cesarea Philippi kommen / vnd disen handel
allen geführt hat. Das aber / Sant Peter sine
wort nit gefelcht / nit verkeert / oder off ein-
anderen vnnd siner meinung widerwertigen
sinn gezogen / sonder recht vnnd sinem glou-
ben gemäßer wyß erklärt werdind: erscheint
sich in siner predig so er am heiligen Pfing-
stag zü Hierusalem gethon / in sinen selbs
worten also: Darumb / spricht er / sol das
gantz huß Israel wüssen / das Gott den Jes-
sum den jr gecrüziget habend / zum Herren
vnd Chusto gemacht hat: Sichst frommer
Christ / wie er abermalen Jesum nennt mit
namen/vnd äben den die Juden getödt / wie
er darzü setzt / er sye Christus worden / vnnd
das von Gott sölich geschähen. Wo hat
aber Sant Peter das wüsse / hat er in siner
anderen Epistel selbs eroffnet / vnnd schrybt
also: Dann wir sind nit den betruglichen vnd
falsch erdichten fablen nachkommen / da wir
üch kundt gethon habend die krafft vnnd zü-
kunfft

Acto. 2.

2. pet. 1.

kanfft vnsers Herren Jesu Christi / sonder
 wir sind zusäher gewesen seiner maiestet. Dañ
 do er empfieng von Gott dem Vatter eer
 vnd pryß / durch ein stüm die zü jm geschach
 von der großmächtigen herrligkeit / also: Diß
 ist min lieber Sun / in dem ich ein wolgefals
 len hab. So habend wir dise stüm gehört von
 himmel herab erschallen / als wir mit jm wa
 rend vff dem heiligen Berg. Was ist aber das
 anders / dann das der Herr zur bestätigung
 diser Confession oder Bekantnuß / hernach
 selbs sagt: Fleisch vnd blüt hat dir das nit
 geoffnet / sonder der geist mines Vatters der
 da ist in himmlen. Dahin wyßt vns ouch der *Matth. 1.*
 Engel Gottes / als er den heiligen Josephen
 der geburt vnsers Herren Jesu Bericht / in
 vnd vns all leert / wie wir disen glauben im
 namen deß Herren Jesu mögind erlernen /
 vnd spricht: Sy wirt gebären ein sun / vnd
 du wirst nennen sinen namen Jesum: Dann
 der wirt heil machen sin volck von jren sündē. *Jesus.*
 Als dann der namen / Jesus / von Hebreeren
 darlangend anders nit heißt dañ ein erlöser /
 retter vnd heiland: ouch er der Herr disem
 sinem namen gnüg gethon / mit heilen / erlö
 sen vnd erhalten / wie das heilige Euange
 lische vñ Apostolische geschichten vßwisend /
 vnd das weder Sant Peter / noch andere
 frome Christen / mit annemmen vnd befeñen
 diß Herren Jesu / deß waren heilands ver

Sant Peters

fält/ erfindt sich in verglychung aller gschichte
ten des Herren an einem / vnnnd aller alten
den Messiam verkündenden wyssagungen
am anderen teil / also das er Jesus zu der zyt
wie Jacob vnd Daniel eroffnet : an dem ort/
wie Micheas gewyssaget : von denen Eltes-
ren wie Dauiden verheissen/gebore: geleert/
wunder gewürckt / vnd gelitten wie Esaias
anzeigt : Begraben / erstanden / zu himmel
gefaren / sin ryck vffgebracht/wie Dauid klar-
lich beschryben. Darumb Sant Peter/glych
wie Sant Johans der töuffer / Simeon der
alte / Sant Anderes / Sant Philipps vnnnd
andere / den rächten Messiam by der person
vnseres Herren Jesu funden vñ anderē mens-
schen gezeiget. Welicher wyß aber / od durch
was mittel / vnser Herr Jesus vns erlösen
vñ heil machen werde / gib vns Sant Peter
mit dem / das er jm in siner bekannnyß den
namen Christi züstelt/zü vernemmen. Dann
Chistus. was heißt Chistus / so sonst ein Griechisch
wort ist/anders / dann das die Hebreer ein
Messiam / die Latiner Vnctum / wir Tüte-
schen ein gesalbeten nennend : Nun wurs-
dend vor zytē / wie mengklich weißt / beide
Künig vñ priester / zü einer bestättigung irer
wal/vnd vsserer anzeigung innerlicher inen
zū sölichen ämpteren von Gott verlichner
gaaben/gesalbet/vñ diser salbung halb glych
so wol Messiam/das ist / gesalbete / als Kün-
nig

Die wyß
vnser erlö-
sung.

Chistus.

nig oder priester geneit: Der aber / den Gott
zum heiland der wält verordnet vnd verheis-
sen / hat den namen Messia für sy all vß be-
halten / als der jren vnnnd vnser aller einiger
heiland / vnnnd wie König David wyssaget / *Psal. 109.*
allein beide König vñ priester vnd darzü ge-
meiner oberster aller welt richter ist vnnnd syn
wirt. So nun Sant Peter vnserem Herren
Jesu / den namen Christi züstellt / bekennet er
damit / daß Jesus der Christus / od Messias
sye / den vns Gott der himmelisch Vatter / zü
vnserem einigen / obersten all gemeinen Kün-
ig priester vnd richter erwelt vnd verheissen.
Das es aber waar sye / das Sant Peter den
Herren hiemit bekenne ein König syn / er-
scheint sich in dem / daß er Petrus zü Hieru-
salem vor gefässnem rhat oder Concilio / fry *Acto. 5.*
beiter heruß sagt / Der Gott vnserer vätteren
habe den Jesum de sy Crütziget / vferweckt /
zü seiner grechten gesetzt / vnd zü einem fürste
vñ heiland gemacht : darzü in seiner ersten E-
pistel schrybt / vnserem Herren Jesu / der zü *1. Pet. 3.*
himmel gefaren vnd zü der gerechten Gottes
sye / sye / was herrlich vnd gwaltig / ouch die
Engel vnd ihon vnd gehorsam : glycher gstat
in volgendē Capitel anzeigt / deß Herrē Chri-
sti sye das rych sampt d eer vnd herrligkeit in
ewigheit. Es ist aber die leer vñ Königrych
Christi nit nitw / sond in aller gschriff wol ge-
gründet / als im 2. 19. vñ sonst vil Psalmē ouch

Christus
ein König.

Sant Peters

Esā. 16. Hierem. 23. vnnnd anderen mer orten.
Wenn aber Sant Peter dem Herren / wie
gehört / Königliche regierūg zūsteilt / so muß
er hiemit ouch bekennen / das er Christus ein
besonder geschubē rächt / darnach er regiere /
ouch daby ein volck / so von jm geregert wer-
de / glycher gestalt habe. Dann welcher kan
ein König on ein volck syn? Welches land ist
vff erden / das nit ein gwūsses rächt habe?
Vnd das bekant Sant Peter in seiner ersten
Epistel / da er an statt vorgebrucher satzun-
gen der vätterē die warheit Götlichs worts /
die er nennt ein vnstärblchen saamen des
worts des läbendigē vñ ewigen Gottes / ges-
meiner Chrustenheit fürstelt / deren sy als irem
geschubnen rächten gehorsam syn / vnd hiemit
ire seelen reinigen söllend : ouch sagt / wir die
vor zyten nit ein volck gewāsen / yetzdan das
volck Gottes syend vñ gnaden worden. Das
rumb welche waare Chrusten syn / vnd durch
Christum irer sünden ledig vnnnd ewigs heils
gnosß werden wellend / die söllend vnnnd müs-
send nit jr selbs / nit der wält / nit der sünd / vil
weniger des tüfels oder sunst böser begirden
vnd anfächungen / ouch nit einicher Creatur-
ren / sy syend glych Engel / menschē / oder wāt-
si / als des rechten Königs volck syn : sy müs-
send sich keine Jüdische / Heidnische / Targ-
fische / ouch gar keine menschen satzungen / so
in

In Göttlicher gschrifft nit grund habend bins-
 den lassen / sonder dem wort des läbendigen
 Gottes wie Sant Peter sagt gehorsammen:
 sumā sy müßend sich in iren nöten siner des
 Herren hilff vnnnd rettung allein trösten / in
 iren hertzen / sitten vnd läben / in den Herren
 durch sinen heiligen geist ryckhen vnd meiz-
 ster syn lassen. Wie dann Sant Peter in sinen
 Epistlen dabar anlaß genommen vns von
 allen fleischlichen begirden abzemanen / zur
 erbarkeit vnd güten wercken zebringen / ouch
 allen Königen / Regenten vnnnd Oberen / als
 nachgesetzten amptlütten vnser obersten Kün-
 nigs gehorsam syn zeheissen / vnd anders zü
 Gottes eer vnd vnserem heil erschließlich zü
 pflanzen. Da dann offenbar das der glaub
 den Sant Peter hie bekennet vnd sonst geleert
 hat / die güten / das ist Christenlicher leer ges-
 mässen vnnnd von Gott gebottne werck nit
 allein nit vshet / sonder vil mer pflanztet vnd
 ofnet. Das aber Sant Peter den Her- ^{Christus}
 ren Jesum ouch bekenne vnseren obersten ^{oberster}
 priester syn / erfindt sich in dem / daß er in si- ^{priester.}
 ner ersten Epistel selbs anzeigt / wir syend ^{1. Pet. 2. 5.}
 vorhin irrende schaaffen glych gwäsen / yetz-
 dan aber dem hirten vnnnd verwalter vnserer
 seelen zükömen. Da menglich weist daß die
 priester ouch seel hirten sind vnnnd genennt
 werdend. Glycher wyß neit in Sant Peter /
 ouch daselbst / ein obersten hirten / vnnnd vns /
 C

Sant Peters

Darumb daß wir dieses Königs vñ priesters
volck worden/ein Königlich priesterthumb.
Ob aber wir glych in Sant Peters eignen
worten yetzgedachts verstands siner bekant
nuß kein grund fundend/söltend vñnd müß
tend wir deñocht glauben/ daß er wider den
heiligen propheten vñd König Dauiden vñd
Sant Paul/ die dem Herren Christo das
priesteramt gantzlich zústellend/syn od thün
wurde. Wenn nun vnser Herr Christus/wie
Sant Peters glaubens bekantnuß vßwist/
vnser oberster priester ist / vñd syn sol: ist sich
zú jm deß ouch zúuersähen/ daß er / was eis
nem obersten priester zú staat/ alles werde
mit trüwen vßrichten / vñ namlich vns arme
menschen mit der leer noch nodturfft verßes
hen/ heiligen/sägnen/ mit fürbit vñnd opffer
Gott dem Vatter versünen vñ sällig machen.
Das ouch Sant Peter hiemit diser siner be
kannntnuß öffentlich wil bekennet vñd bezüget
haben/als er in sinen predginen vñ sendbrief
fen/mit mer worten meldet: vñd namlich das
Christus die leer selbs persönlich vñnd durch
sine diener gefürt / vñnd fürer füren werde/
züget er zú Hierusalem vff den heiligen
Pfingstag / da er sagt/ die wunderbarlich
woltredenheit der heiligen Apostlen sye nüt
anders dann deß heiligen geists gaaben/die
er der Herr vßgrieffe. Vñd do er den gelee
ren/deß vßgerichten lamen halb rechenschafft
geben/

geben / lart er vß Mose das by verlierung Acto. 3.
 lybs vnd läbens von Gott gebotten sye / daß Deut. 29.
 menglich disen propheten / daß ist / Messiam
 hören müsse: Da er nun leeren wirt / damit
 man in könne hören. Demnach vermanet
 Sant Peter alle Christenlichen leerer / daß sy
 die herd der schaaffen Christi / Bests irs Königs
 mens vnnd vermögens weidind / damit sy in
 der zukunfft des obersten hirtens die Fron
 empfabind. Da er zwar den Herren bekennet
 den obersten leerer / vnd das alle leerer in sinē
 dienst syend / im rächnung gäben / vnnd von
 im belonet werdend. Das er hiemit bekenne /
 das wir durch Christum geheiliget vnd ges
 segnet / oder gebenedyete werdind / Bezüget er Acto. 8.
 mit de / das er die verheissung des benedyen
 den oder den sägen bringenden saamens vff
 Christum zücht / vnnd spricht Christus sye das
 rumb vns zügesandt / daß er vns sagne / vnd
 wir von vnseren sünden gewendt werdind. 1. Pet. 2.
 Verheißt ouch allen denen die Christo durch Acto. 5.
 waren gloubē inglybt / rüwen vñ verzyhung
 der sünden / ouch waren friden. Das er in für
 vnseren fürmünder halte vnd hiemit bekenē /
 erscheint er mit dem / das er in allen sinē pred
 ginen vnd Epistlen hin vnd her bezüget / der
 Herr sitze zur grächte Gottes / mit welichent
 wann die fürbitt / wie Sant Paul anzeigt / 1. Pet. 3. 2.
 menglich mitteloufft: zü dem das Sant Peter
 auch heiter sagt / was wir Gott vopfferind /

Sant Peters

gefalle jm allein im herren. Das er demnach
sin lyden als ein gnügsam opffer zü verzy-
hung vnserer sünden Gott dem Vatter für
vns arme sündler vffg:opfferet / vnnnd er das
globe vnnnd leere / züget er an gar vil orten.
1. pet. 1. Als da er sagt / wir syend nit mit zergänglic-
hen dingen / als silber vnd gold / sonder mit
dem kostlichē blüt deß vnuermaßgetē lambs
vnseres Herren Christi erlöbt: er habe vnser
1. pet. 2. sünd an sinem lyb am holtz getragen / damit
wir der sünd abgestorbē der grächtigkeit läb-
1. pet. 3. tind: er habe einest für vnser sünd gelytten/
als ein grächter für vns vngerächte / damit
er vns Gott züfürte. By welichē wir sähend
das Sant Peter / diewyl er den Herren Jesu-
sum nennt Christum / jm hiemit das priester
ampt / vnd daby die leer / den sägen / das heis-
ligen / das opffer / vñ die fürbitt zü stellt / ouch
vns in allen solichen sachen allein dem Her-
ren züwyßt. Dz letstlich Sant Peter zülasse /
das in das ampt Christi gehöre / ein richter
syn über die läbendigen vnd todten / ouch vn-
ser Herr Christus der selbig richter sye / Be-
1. Acto. 10. züget er selbs / als er hernach zü Cesarea / Cor-
nelio dem Heidnischen hauptman vnd sinem
gfind prediget vnnnd anzeigt / das jnen allen
befolhen allem volck zü verkünden vnd züsa-
gen / daß Christus Jesus vō Gott gesetzt sye
zü einem richter über die läbendigen vnd die
todten. Vß welichē allem offenbar / das Sant
Peter

Peter inhalt aller über dise bekantnuß an-
 der schwö gegäbner erlüterung / mit dē namē
 men / Christi / den er vnserem Herren Jesu
 zügibt / was den handel vnser heils berürt /
 das dann durch in den Herren Jesum allein
 vßgefürt / alles wil vergriffen / vnd vns das
 hin allenglich gewisen haben / daß wir vns
 vnser Herren heiligens / sägens / leerens /
 offerens / fürmündens allein behälffind vñ
 halind. Vnd wiewol dise vnser hoffnung Grund vn
 sers heils.
 vff den kundschafftē Mosis / der propheten /
 des heiligen Johānis des iduffers / der heis-
 ligen Euangelisten vñnd Apostlen grunds-
 gnüg hat / vnd insonders mit der kundschafft
 des himmelischen allmächtigen Vatters mer
 gewestnet: zeigt doch Sant Peter noch mer
 vrsachen / derenhalb wir vns des habind zū-
 trösten / mit dem / das er in den Sun des lä-
 bendigen Gottes genennt hat. Dann hiemit
 fürt er das end diser siner bekantnuß wider
 rumb zū irem anfang: dergstalt daß er den Sun des
 läbendigen
 Gottes.
 Herren Jesum / ein waaren von der heiligen
 jungkfrauen Mariæ geboren menschen /
 den er hienor: mit dem wörtly / Du / verzeiget /
 yetz ouch ein waaren Gott syn anzeigt / vnd
 mit dem namen des Suns Gottes zeigt.
 Da dan Gottheit vnd menscheit in einer vn-
 zerrenten person vnser Herren Christi / wie
 lyb vñnd seel in eines yeden menschen wäsen
 vereint werdend / one verenderung oder ver-

Sant Peters

Emanuel. lierung jr yedes art vnd wärens / vñ vns hies
mit er Jesus Christus ein rechtr Emanuel/
Das ist/Gott mit vns/vñ deßhalb zwüschent
Gott vnd vns menschen zü scheiden/ mittlen
vnd frid machen geschickt wirt. Dañ wie ein
yeder mittler vnpartyesch/vnd beiden parthe
gemein syn müß: also hat auch d mittler zwü
schent Gott vñ den menschen/nit allein Gott/
damit er den menschen traglich / vñ nit allein
mensch/ damit er Gott anmütig: sond beide
Gott vñ mensch / damit er beide teilē geheim
vñ anämlich/syn sollen. Zü de das ein mittler
zwüschent Gott vñ den mensche/nit allein by
Gott sin stätten sitz habē/ damit er one vnder
laß gegen jm mitte: sond auch an allen enden
der wält zügägen syn sol/damit er aller wält
anligen vernemen / vñ insonders die hertzen
der mensche erkenensol / damit er wüßse weñ
es falsch od ernst sye. Welichs alles Sant Pe
ter in der person deß Herren erkennt vñ be
kent hat/mit de daß er in den Sun deß men
schen auch den Sun Gottes genennt hat.
Dañ das wüßsend wir sunst/das wie wir vñ
gnaden vnd durch den glauben in Herren/
kinder Gottes worden: also ist der Herr von
natur der ewig eingeboren Sun Gottes. Er
nennt in aber nit schlächlich ein Sun deß lä
bendigen Gottes: eins teils zum vnderscheid
zwüschem dem waaren / einigen vnd ewigē
Gott

Sun deß
lábendigen
Gottes.

Gott/vnd den falschen Heidnischen Götten:
 anders teils zur anzeigung / daß wie Gott
 vnsern Herren Christi vatter / das waar läbē
 von vnd in jm selbs hat / ouch allen läbendis
 gen gschöpfften mitteilt: also ouch er Chris
 tus das läben von vnd in jm selbs hat / ouch
 denen so mit warem glauben jm anhangend
 mitteilt. Wie der Herr selbs sagt Joā. 5. Wie
 der Vatter das läben in jm selbs hat / also hat
 er ouch dem Sun geben das läben zehaben.
 Deshalb der Herr ein läbendiger Brunn/
 ein läbendigs wasser / ein brot deß läbens
 genennt wirt. Wenn nun dise wort Sant
 Peters heiter zügäbed / daß vnser Herr Chri
 stus / deshalb daß er allein waarer Gott vnd
 mensch ist: allein für vns gelitten: allein sitze
 zur rechten Gottes: allein die kundschafft
 vnd den namen deß waaren heilands vnd
 mittlers von Gott selbs vnd allen Gottes
 dieneren empfangen: allein daß er wölle/
 könne / möge helffen / mit der thaat erzeigt
 hat: so volgt das alle / die der wält näbendt
 Christo andere mittler ynbildend / vom rächtē
 grund göttlichs anschlags / von dem waaren
 einigen wäg der warheit / von dem waaren
 heil vñ läben / zū ytelem whon / zū vnwarheit
 vñ vnheil die armen lüt abfürend / vnd jnen
 ynbildend das nie was / nit ist / zū ewiger zyt
 nimer syn mag. Welichs Sant Peter ouch

Sant Peters

- Acto. 4. schlüßet / da er den gleerten zu Hierusalem heiter anzeigt / der lam man / den er vnnnd Sant Johans gesund gmacht / sye im namen Jesu Christi gesund worden : Dann sonst von keinem anderen das heil harlange: ouch vnder allen menschē / kein anderer namm vnder dem himmel geben / in dem wir müßind sãlig werden. Dargegen berichtet er Petrus den hauptman Cornelium desse / das alle propheeten dem Herrē Christo kundtschaft gebind / daß durch sinen namen verzyhung der sünden empfahe werde ein yeder so in in gloube. Dē heiland hat Abraham der vatter aller gläubigen im geist gefähen : By dem heiland sind in siner verklärung vff dem berg Tabor Moses vnd Helias als zügen / in namen vnd von wägen / deß gsatztes vnd der propheeten erschinen: den heiland hat der heilig propheet vnd König David im geist erkennt vnd aller wãlt zu erkennen geben : Den heiland zu verkünden ist Sant Johans der töuffer besonderer wyß von Gott dem Vatter vßgeschickt. Dem heiland habend Sant Stephan vñ alle heiligen Martirer in irem läben gedienet / vñ in todsnöden ire geist vffgeben / ouch vns hiemit glychs zethün mit irem byspil veranlasset. Vnd diewyl Sant Peter disen glouben nit vß angäben fleischs vñ blüts / sonder vñ heiligen geist Gottes in sin hertz empfangen : vom eingebornē Sun Gottes vnserem Herren

psal. 109.

Luc. 1. 2. 3.

Acto. 6. 7.

Herren Jesu Christo selbs erlernet: vñ Gott
 dem himmelischen vnd allmächtigen Vatter
 selbs gehört: Könnend vñ mögend wir geden
 ken/ daß er ist klarer dan d' heiter tag: gewüß
 ser dan aller wält barschafft: vester dan hims
 mel vnd erden: notwendiger zü erkennen vñ
 bekennen/ dann wasser vnd schüwr/ ouch der
 arhem/ so in menschlichem lyb sin gang hat.
 Noch kompt es darzü/ das mit menschlicher
 vernunft finsterem schattē / sin glantz gegen
 vns verhalten: daß er vom tüfel mit fürstel
 len zytlicher dingen gegenwirtigkeit/ als der
 allein fünfftigs vñ vngewüßes züsage in
 zwysel gebracht: vom Lndtchristen vnd allen
 vngläubigen angefochten vñ veruolget: mit
 liebe zytlichs prachts / güts vñnd läbens / in
 vnseren hertzen hinder sich gestellt wirt. Dar
 wider aber wir/ by denē Sant Peter/ so disen
 Glauben bekennet vñ geleert: vnser Herr Jes
 us Christus / von dem wir den namen der
 Christen lüten/ sampt dem heiligen touff emp
 fangen: vnser seelē / die wir one zwysel ouch
 begärend in ewigs läben zübringen / etwas
 geltend: söllend an allen orten vnd enden der
 erden/ wenn es die eer Gottes vnd deß nächs
 ten nutz erforderet/ manlich bekenē / dz vns
 ser Herr Jesus aller wält Christus / das ist/
 erlöser vnd heiland/ als der eingeboren Sun
 deß läbendigen Gottes sye/ in dem wir allein

Sant Peters
By Gott gnad/ablaß der sünden / vnd ewigs
läben habind. Amen.

Vñ damit mengtlich sähe/das nit allein Sant Pe-
ter sonder ouch die heilige zwölff botten all disen glou-
ben gehebt vñ geleert habind / sezend wir zu end diser
Sant Peters Gloubens bekännuß die predig/die er
Sant Peter in bysin/ mit wüssen vnd willen der übr-
gen Apostilen aller vff den heilige Pfingstag/ als inen
alle der heilig geist zukömen/ zu Hierusalem offentlich
vor gleerten vnd vngleerten/frömbden vnd heimischen
gethon hatt. Zu welcher zyt die gägenwirtig gnad
vñ erluchtung des heilige geists Gottes sich nit in vffe-
rem vñ ytele räumen / sonder mit grossem windsturm/
vnd stürmen zungen / insonders aber dem herrlichen
vnd gwaltigen predigen der heiligen Apostilen gnüg-
samtlich erscheint hat. So habed ouch Sant Peter
vnd sine mittdiener des Herren nit zu sölicher predig
gesüchten/sonder inen an die hand gegäbnē anlaß ge-
hebt: als die jr leer vñ gnad Gottes wider böser lüten
ynred zeschirmē söliche predig gethon habind. In wo-
licher sy ein Summa Christenlichs gloubens/ vff die
man aller heiligen gschriffte innhalt zühen möchte/ sit-
stem zu erkennen geben wollen. Namlich das Jesus
Christus von Nazareth/ so vñ Juden gekröniget/ der
waar einig Messias / zwüschem Gott vñnd mensch-
lichem gschlächte mittler / der menschen heiland vñnd
säligmacher sye. In den glouben söllend vñ müssend
weliche verzhung irer sünden vñnd ewigs läben zu
erlangen begärend. Gott welle sin gnad geben/ das
beide Sant Peters Gloubens bekännuß vñ predig/
wohin

wohin vnd an welche sy diser zyt langend / so vil frucht bringind / als sy vff gedachten heiligen Pfingstag zu Hierusalem / vnd harnach an anderen orten / alle zyt gebracht habend. Amen.

Als sich aber Petrus mit den eilf Acto. 2.
 fen gestellt / hat er sein stim erhebt /
 vnd zu jnen gesprochen: Ir männer
 vom Jüdischen volck / vnd alle die
 jr zu Jerusalem woned / das sye üch
 zewüssen / vnd fassend mine wort in
 üwere oren. San dise sind nit trun-
 cken / wie jr wänend / sytmals es erst
 die dritte stund des tags ist. Son-
 der es ist äben das / daß durch den
 Propheten Joel gewyssaget ist: Joel. 2.
Isa. 44.
 Vn es sol in den letstē tagen beschähen /
 spricht Gott / so wil ich von minem
 geist über alles fleisch vsgiessen.
 Vnd üwere sün vnd töchteren wer-
 dend wyssagen / vn üwere jüngling
 werdend gesichten sähen / vn üwere
 Ältesten werdē tröum haben. Vn
 ich wil zwar vff mine knächt vn vff
 mine mägdt zu der selbē zyt vsgies-

Sant Peters

Luc. 21.

sen von minem geist/ vñ sy werdend
wyssagen. Vñ ich wil wunder wirt-
cken oben im himel/ vñ zeichē dani-
den vfferden/ blüt vnd sbür/ rouch
vnd tampff. Die Son wirt sich in
funsternuß verkeeren / vñ der Mon
in blüt / ee dann der groß vnd herr-
lich tag des Herren kōme. Vnd es
wirdt syn/ dasß wår den namen des
Herren wirt anruffen/ der wirt sã-
lig werden.

Joel. 2.
Rom. 10.

Jr mǎnner von Israel / hōrend
dise wort : Jesum von Nazareth/
den man / der ouch von Gott ist für-
gestellt gewāsen mit krefftigē tha-
ten/wunderen vñ zeichen/die Gott
mittē vnder ouch durch in gewürckt
hat/wie jr dann selbs wūssend: den
selben habend jr (als er vs bedach-
tem radt vñ fürsāhig Gottes was
dabin gāben) genommen durch der
vngerächten hānd/ vñ in ans crütz
vsgehefftet vnd ertōdtet. Sen hat
Gott vserweckt/nach dē er des tods
schmer-

Rom. 6.

schmerzen hatt vsgelöst / sytmal
 es vnmüglich was / daß er sollte von
 jm behalten werden. San David psal. 10.
 spricht vō jm: Ich hab den Herren
 alle zyt fürgesetzt für min angesicht.
 Dann er stadt mir zu der rächten
 hand / vff daß ich nit bewegt werde.
 Darumb ist min hertz erstöwt wor
 den / vnd min zung hat gefrolocket /
 darzu wirt auch min fleisch in der
 hoffnung rüwen. Dann du wirst
 min seel nit in der hell lassen / auch
 nit gestattē daß din heiliger die ver
 wägung sähe. Du hast mir die wäg
 deß läbens kund gethon. Du wirst
 mich mit fröudē erfüllen vor dinem
 angesicht.

Ir männer vñ brüder / ich darff
 vor iuch fry reden von dem Erquat
 ter David / daß er namlich gestorbē 3. Reg. 2.
 vnd begraben ist / vnd sein grab ist
 by vns biß vff disen tag. Sytmal
 ernun ein Prophet was / vñ wußt /
 daß jm Gott einen eyd geschworen psal. 132.

Sant Peters

hatt/das Christus nach dem fleisch
von der frucht seiner lenden vferston
sölte/ vñ vff sinem stül sitzen: hat er
vß vorwüssen geredt von der vfer-
steinnuß Christi/ das sin seel nit in
der hell gelassen sye / noch sin fleisch
die verwäsung gesähē habe. Sisen
Iesum hat Gott vferweckt / des
sind wir all zügen.

So er nū durch die gerächte Got-
tes erhöcht ist/ vnd die verheißung
des heiligen geists vom vatter ent-
pfangen/ hat/ er dises vßgossen das
ir yetz sähend vñ hörend. San Sa-
uid nit ist hinuf in himel gefarē/son-
der er spricht selbs: Der Herr hat
gesagt zū minem Herrē: Setz dich
zū miner rächten / biß das ich dine
syend lege zum schämel diner füßen.
So wüsse nundz ganz huß Israel
für gwüß/dz Gott disen Iesum den
ir gekrüziger habend/zum Herren
vnd Christo gemachet hat.

Als sy aber dises gehört habend/
ist

ist jnen ein stich durchs hertz gangē/
vnd habend sy zū Petro vñ den an-
deren Apostlen gesprochen: Ir män-
ner vñ brüd/ was söllend wir thün?

Spricht Petrus zū jnen: Besserend Matt. 4.
Marc. 7.
Luc. 13. üch/ vñ lasse sich ein yeder touffen in
den namen Jesu Christi/ zur verzy-
hung der sündē/ so werdend jr emp-
fahen die gaab deß heiligen geistes.
Dann dise verheissung ist üch vnd
üweren kinderen beschāhen/ vñ allē
denen die yetz noch veer sind/ welche
dann der Herr vnser Gott härzū
berüffen wirt. Vnd er hat noch mit
vil anderen Worten bezüget vnd sy
vermanet/ sprächende: Lassend üch
hällfē vß disem verkeertē gschlācht.

Welche nun sin wort gern ha-
bend angenōmen / die sind getoufft
worden/ vñ deß selben tags sind här
zū kōmen by dry tusend seelen.

775818

Faint, illegible text, likely bleed-through from the reverse side of the page.